


民
國
冠
縣
志



侯光
陸
陳熙
纂修

本書十卷首一卷，據民國二十三年
(一九三四)刻本影印。

重修冠縣志序

冠志失修垂百餘年其間提倡續修者當不乏人然類皆忽作忽輟未竟媯補全功誠憾事也余於民國二十年三月奉委來冠下車伊始即殷殷以續志事勗邑士僉唯唯乃為之開詞館羅輜軒稱饒廩給紙筆咄嗟間羣賢畢至纂修有陳君

一

熙雍邱君恩泉康君緯辰李君雪亭襄纂有殷君筱盞皆知名士學通中外協力進行風雨無間計今兩易寒暑其稿脫而行將付梓矣取而瀏覽一過見夫疆域之廣狹風俗之淳澆人文之盛衰禮教之變遷以及土地物產稔祥災異莫不朗若列眉燦然明備而尤於兵馬財賦建設教育

諸大端紀載綦詳且援引科學推陳出新刪除歌功頌德之溢詞適合民主自治之體制後哲踵而行之則杞宋依然又獻足徵矣是為序

中華民國二十二年九月

署理冠縣長侯光陸



二

重修冠縣志序

余束髮受書時習聞吾冠志書燬於燹蝕於蠹散逸於兵荒離亂殘餘一二部藏於典史黃憲之家而未及見也及壯遊海外走滬漢旅歷下僦居北平爲東西南北之人忽忽二十餘年足跡所至輒取觀當地之圖誌周覽一過覺其繁簡文質形形色色而山川人物政教禮俗以及言語文字異聞軼事莫不歷歷在目勝似作乘槎遊入太廟問孟子云諸侯之寶三土地人民政事一書而三寶備之知方志一冊爲郡

卷首序

縣之家珍什襲藏之莫敢或闕自古有亡國而國無亡史迴首故鄉益惓惓於黃典史之家藏民國五年時余官外部某日過溟南翟太史家見書齋架卷軸盈百隨手取之偶得冠縣志一書喜甚亟請於太史曰此吾鄉故物也盍借觀之太史唯唯乃携書歸旅邸時爲瀏覽閱竟知冠志失修將百年矣失此不圖後將何及頻客於遠有志未遑悵悵爲何如耶十九年春余倦遊里居多士以修志事相屬余曰噫晚矣二十年前從事於斯老成尙在典冊猶存訂墜繼

廢事半功倍此日魯壁墟秦灰冷雪泥鴻爪漫滅殆

盡且學說朋興門戶標榜揭華袞斧鉞之跡來燒薪覆瓿之譴於此而編年紀月踵跡筆削憂憂乎其難之適上檄督促仿司馬溫公修資治通鑑故事開局崇文方輅車四出周爰諮諏時值南北軍興戰雲瀰漫薛匪犯冠遍地萑苻余亦北走燕市抵歲杪而始抱疴還鄉人事擾擾無暇及此甫載筆而中輟矣翌年春重整史席校書藜閣而輶軒採錄得十之一二焉連番徵文得十之三四焉繼而殷筱彭梁樾庵二

卷首序

君專司行人旁徵博引得十之五六焉窮歲月之爬羅積四卷之草帙懸之園門聚訟紛紜傳觀十閱月久假不歸至是而再中輟矣迨及原稿珠還滿籠碧紗方有事於修飾潤色忽而白駒繫維場無苜蓿食志乎而館穀告罄食功乎而廩餼不給墨客星散梓人罷業至是而又中輟矣一輟再輟而至三輟何吾冠志之阨也迴憶自清道光十年後邑志絕筆吾鄉賢達一再擬續每以一鼓作氣再而衰三而竭遂致一邑載籍歇絕百載倘功虧一簣再踰前轍遲之又

久祀宋依然文獻無徵亡史之痛誰職其咎耶余於是爲之進益勇日握管城風雨無間散者輯之缺者補之罅漏幽緲者窮僻荒以探索之尋墜緒之茫茫獨旁搜而遠紹歷經萬難而書告成李復齋梁壽庵兩先生後至民國二十二年冠縣又有續志半生來抱殘守缺之遺憾至是而爲之一慰王魯之先生序前志一則曰待之君子再則曰望之後賢余何人斯敢掠此大美竊效媯補聊勝於無此物此志也綜核全書增輯十之六七前志簡要此編繁蕪貪得務多細

卷首序

三

大不捐惟冀已往之陳蹟軼事網羅無遺不與夏五郭公以俱泯使後之人信而有徵語焉能詳更爲踵行者留此斷爛朝報作紹述張本浮誇之弊何避焉至若兼三長而備五難均謝不敏矣刪訂而斧正之是所望於達者

昔中華民國二十二年十月邑人康煥章緯宸謹序

重修冠縣志序

民族精神發源於國史英之海上霸權法之政治革命美之門羅主義日本之大和國魂皆能發揚國威鷹麟虎視據列強之一席迹其政教文化蒸蒸日上實本諸種族之特性及奕世之遺傳獨立不倚各不相襲是謂之歷史性是以各國最重史學列之專科載之文籍傳之歌謠圖繪使國人咸知古今得失之林激發其志氣因革損益以保持其固有之國粹讀世界史者類能道之我國史學與經學並重經理也

卷首序

四

史事也經以爲經史以爲緯經緯相參而後能持理以治事上下五千年治亂興衰瞭如指掌與治同道罔不興與亂同事罔不亡千古如出一轍無待龜卜而數計此史之所以爲鑑也鑑於水則形容畢現鑑於古則成敗立見理有必然而無疑者自經學廢除史學亦略焉不講功利之習急誕怪之說起岐途亡羊擾攘至不可紀極非胚胎於歷史之劣性卽逸出於史體以外差之毫釐謬以千里辨之不可不早也帝典王謨旣不適用於晚近自檜而下當更無意於

籍述詎知慾根深種先後符節不取法乎上轉而得乎其下若者帝制自爲若者封疆割據若者五霸七雄鹿逐中原若者草澤綠林揭竿發難遠交近攻縱橫捭闔既煮豆以燃其卽螳螂而黃雀廿餘年起伏循環皆熟祖戰國策土唐代藩鎮五季篡奪之故智降及州邑閭野亦利慾薰心黨同伐異時以門戶之見同室操戈螭蚌持而漁人利坐使大好山河半壁淪亡劉豫張邦昌輩依附外人卵翼閻于神器試問連幕扮演何在非前代之脚本耶是謂得悉史之劣

卷首序

五

注者自古巨奸大蠹史不絕書夷考其行皆出於事理之常乃有棄而綱常去而名教禁而相生相養之道以求其所謂萬物無王者不惟舉之於口而又筆之於書學說朋興舉國若狂蹂躪遍於江漢戎馬起於隴蜀陷溺甚於洪水殘害烈於猛獸斯道也何道也擬以楊墨黃老而不類較之赤眉黃巾而尤酷禱杌窮奇無此乖戾離距闖獻亦無此恣睢也是所謂逸出於史體以外者溺於史中者壞逸於史外者尤壞皆由於近世史學不昌褒貶勸懲茫乎莫辨因而

酒心溺志漸卽馳騫於下乘而索隱行怪者流又爲別開生面釀成亘古未有之奇禍讀史者掩卷太息能無惕然於中乎吾冠地方百里人口二十餘萬衝以歐西之布丹烏拉圭塞爾維亞春秋之滕薛邾邾清泉一邑儼然一國也國有史縣有志志者誌也史志名異而實同余序志故連類及之

青中華民國二十二年十月邑人康煥章緯宸又序

卷首序

六

續刻修訂姓氏

監修 冠縣縣長侯光陸

纂修 邑 人陳熙雍

邱學澤

康煥章

李慶梅

襄纂 邑 人殷壽仙

高正立

陳士傑

卷首 庭氏 七

校正 邑 人崔克勳

邱樹模

宋維熙

張衍孔

採訪 邑 人梁允平 梁可臣

申書諫 管榮鼎

梁承選 郭殿英

管世楫 宋尙德

張英華 宋培楨

張英冠 陳或魯

鄒文清 趙毓欄

郭銘勳 楊輔臣

梁春山 曹錫光

葛錦亭 梁金坡

李效元 杜清芳

邱學淇 郭金如

王者臣 張蘭亭

馬鳴鑾 趙汝播

卷首 庭氏 八

康獻瑞 陳金如

許廣慶 吳允孟

郭錄貴 張學海

杜成勳 徐書銘

石鴻文 蘇欽臣

杜建章 于由仁

王芹藻 郭權盛

辜桂林 沙靈華

石麟祥 馬鳴信

潘龍輔 陳運隆

霍如欽 王道生

祝敬業 朱振瀧

衣名符 潘承平

吳銘鼎

刊板工人 堂邑李鴻誥 李鴻典

卷首 姓氏

九

重修冠縣志凡例

一前志續修於勝清時代遇有事關朝廷及官憲尊屬應空格抬頭昭其崇敬現共和告成國體變更凡帝制字樣暨歌功頌德之溢辭概行刪除即前代成文未便塗改亦平格繕寫無分軒輊以副民國體制

一前志綱目儘可仍舊惟近世天演進化日新月異前乘窠臼每難概括例如各機關畢業生等目皆曠昔所無候選封贈捐職仙釋等目又近

卷首 凡例

十

世所未有不得不重行增刪以新格局

一民國政教壁壘一新援古證今藉資考鏡此編於地輿建置食貨學校諸大端不惜費辭紀載綦詳俾採風者有所取焉

一編年紀月史書屢有論列自民國肇建改用陽曆紀載極爲困難前代軼事固沿用舊曆即民國史材得之採訪每於國曆年月無從稽考不得不仍舊直書而以舊曆字樣標明之
一善惡無定形月日羣倫古今所難人物志中之

鄉賢卓行忠勤孝義名則美矣盛名之下其實難副皮裏陽秋秉筆者有惴惴焉此編收錄或憑官府旌表或據輜軒採訪必其殺身捐軀功在民物或矜式鄉里確有事實可證者方行採及寧缺無濫惟婦人從一而終若守節年例已符操守堅白盡量紀載以副王魯之先生多存一人姓氏卽少慰一人苦節之意旨

一採陸稼書靈壽縣志吳摯甫深州風土志體裁遇有篇終餘緒綴以序贊或殿以書後有無論

卷首凡例

七

列初無定格只相題爲文如原文已無剩義儘可絕筆用避畫蛇添足之弊

一藝文揚挖風雅傳記雜作佳章彙舉如盡量採錄直等文選非復志乘之體此編選輯皆與歷史性有關凡私人傳記及閨中吟咏概行割愛一志辭俱用文言白話體裁未便調入惟里諺童話須保留原有口吻方合修史律例不敢擅自竄改致失廬山真面

一冠志失修垂百餘年遠紹旁搜備感艱苦羅萬

端之繁蹟尋墜緒之茫茫秉筆紀載不無罅漏錯訛大雅正之

卷首凡例

七

余承乏冠氏二載考縣志漫漶不可讀因
遍訪諸紳耆家得新舊志若干冊亦殘缺
難以遽理適奉憲檄赴膠西因封固手題
之以俟代者閱六年晉蕃梁大令永康蒞
任大令恂幅無華有漢吏風生平無他嗜
好惟講求公事如飢渴之於食飲其治冠
規模畧仿於余而材力過余甚遠在冠三
年興養立教井之有條中間若詳豁沙

序

歷地畝建立清泉書屋皆與籌商指畫
悉底厥成今年春余論及冠氏縣志之缺
大令又已修有成帙出而請正余取而閱
之其規條雖不外舊志而舊志所不應有
而有者悉刪之舊志所應有而未者悉
補之體裁正大而考據精覈真冠氏良吏
也大令復約秋初來省面商未信者數條
不意未及期而大令忽病不起余重懼冠

氏徵文考獻之書既成而復散佚而大令
數年精力瘁於此書未得親見其成為
可惜也爰再為閱正付梓以完大令之志
並使大令之有功於冠氏者永垂不朽云
道光十年秋七月山東按察使滇巨橋李
文耕撰

余忝陳東臬愧謏陋無以為報稱惟
恒思作勵寅恭勉期循卓庶藉以一

序

二寡過如梁大令者指不多屈也乃竟
以一邑宰終即其設施於冠氏者未
竟所為因叙冠志不禁長太息蓋不
止為梁大令一人惜也復齋又識



重修冠縣志序

冠志之闕畧非一日矣東漢末劉叔林以忠諫著元魏而降路氏寤顯唐路安期父子濟美元初元遺山輩英賢流寓皆畧而不載蓋明以前無志也嘉靖間邑令姚公率迺草創之而其書不傳萬曆已酉該公自者始有成書我朝康熙庚申錢公霞復增益之一邑之文獻賴以不墜厥後虞公際昌毛公觀文雖

序

一

稍有修輯不過誌其興工記事之文而於政治人物諸大端則涉焉不詳也迄今百五十餘年天道屢於上人事更於下歲時之贏歛政事之興隆以及官師之遺愛閭閻之潛德其湮沒者何可勝道丁亥夏余由清澤調蒞是邦檢閱舊刻復失三之一於此而欲徵文考獻修廢舉墜焉得不以志為先務哉碩簿書鞅掌匆々未果邑紳趙

君錫書由元謀令歸考於家己丑冬出所

藏披錢三志以示余爰就而咨訪軼事蒐

討遺文適其仲嗣汝誠設帳署中庚寅春

復延聊城葉子錫麟於館同任分校靡不

樂襄其事余退食之暇與二君參互考訂

其綱疏其目舊者補之新者續之凡五閱月

增十之之稿既出請正於廉坊李復齋先生

以先生前宰冠時欲修志而未遑也猥蒙

序

二

許可新志於是乎成夫古人者今人之鑑也

前事者後事之師也余承之三載政化未

行媿毋以為志乘光竊願閱是志者觀地

輿以厚風俗觀建置以慎封圻觀食貨

而勤農功觀學校而端士習觀典禮而知

神人之宜和觀選舉而知名實之宜副

觀職官而吏勉循良民思忠敬也觀人物

而先德行女慕貞潔也觀藝文而不流於

臣學觀襍錄而不惑於邪說也是則冠人士所當共勉而亦余修志之願也夫至若兼三長而備五難則余與三君均謝不敏矣修飾潤色是有俟於後之博雅者是為序

時

道光庚寅五月下澣知冠縣事靈石梁

永康壽菴氏謹識

序



三

重修冠縣志敘

昔孔子惜杞宋之無徵而歎
意於文獻之不足文存死者也
獻存文者也志之興也其於
史漢乎志也者史之支也郡
縣義不得作史館莫不有
志志也而上有天地下訖於物
中自歷代興衰沿革之故與夫
賢人君子道德文章之感忠
臣孝子匹夫匹婦之奇節
行莫不咸載則志也而史備
矣不綦重歟庚寅秋余奉

擬攝冠事走辭於廉使復
齋先生先生出一編授余曰此
冠志也昔余欲脩之而不果
更數年得梁君素來之方
寄示余而梁公遽謝世今臣
付子余謹受書正冠進士人
而問志事則冠故志也
之自前明鄉大夫杜趙二公與
邑宰談公始故謂之設志我
朝康熙間錢虞諸君相繼脩
輯雍正而後未聞嗣音蓋缺
如者百餘年矣冠於是復

無志復齋先生以道光元年
宰冠訪求訪帙脩輯之志
甚銳尋擢去未及也後數
年其吏民咸不服又數年
民氣稍復而前尹晉蕃
梁君適至脩舉百廢始語
增輯與採訪者十有二人蓋
梁君實至之而邑紳趙爾
雅喬梓與所城葉君臺台
皆博學工文會稽陳君心齋
復曉暢吏事相與搜羅潤
色闡幽發明蒼華朱編

燦然具備而冠於是海有志焉此方梁君之甫脫業未及梓而組也冠之人感歎且以為甫有者之將寢為妻也及余正倚向志事亟謀剗剗乃色能喜虞氏

四

趙孝廉復董其事招集舊侶聖臺潤之六欣然自酌來會更加審定籌款存梓凡兩月書成而余未嘗有力焉冠於是乎信有志矣也固復齋廉使中餘年未之

兩日營其途而冠人出之所自夕引領而素底於家而晉蕃梁君與彼錢諸公不巧之醜而為先後經營而欣慰於地下者乎隆莊有公安是深恃夫冠也無志也

五

志也先曾有而後乃無也錢杜作則自無而之有錢虞復則自有而之無今幸有之廉使唱之於上梁君應之於下又有趙氏父子之賢葉陳諸公賓友之賅復自登而有

矣猶歷十數年而後事自
今以往更數十百年不有君
子安知有者之不復即於
無手是一所望於後賢也夫
嗟天下古今盛衰之數生人
興替之端胥由是矣望獨

六

一志也夫

道光十年冬十有二月知縣
事大竹王懷曾魯之氏謹
題



冠縣志序

邑志之缺畧久矣余少壯時頻客於遠雖
有志未遑也老而游滇任三年解組間
取舊本觀之較前殘闕益甚歲庚辰今
廉使李復齋先生來宰邑事憫舊志
之蕪而久無續增也欲偕余共為攷訂乃
未幾而擢膠牧以去嗣宰邑者為山右梁

序

一

壽庵先生蒞任三年而有事於志乘搜
闕遺勤採訪泰稽羣籍漸成完書延余
至署詳加核定余惟邑之有志即郡志
省志一統志之稿本也上職其要下職其
詳各為義例不相兼也今草創雖就而
容有缺佚且去取詳畧宜歸畫一方款與
先生逐條酌議而先生遽以疾終于郡城

先是清藁已送廉使署復齋先生亟稱之
遽欲就省付梓余以工費宜出邑人因與同
志者商所以付剞劂會西蜀王魯之先生
來攝邑篆惜其將敗於垂成也爰命鳩
工凡五閱月而竣事吁此可以見歲事之
難矣余自少壯即志于此今且八十有五歲
十年前與復齋先生商之三年前與壽庵

序

二

先生道之越兩載始克纂定之而後乃卒
賴魯之先生刊成之例廣事增斐然就理
兩典故之賴以維繫與士女之賴以闡揚
者皆於是焉託豈直有光於前人已哉
惟是復齋先生移節黔中頗以是書為
念壽庵先生樽將西旋其家人亦快于先
觀故刊刻稍急恐不免為烏亥豕之訛

然竊謂天下事患無其基耳今既克歲其
事後有欲為脩輯者其得不以此為前事
之師哉

皆道光辛卯春月邑人趙錫書酉樵謹序

序

三

冠縣志總目

序文

纂修姓氏

凡例

原序

原修姓氏

地輿志卷之一

沿革 星野

疆城形勝附

山川 古蹟八景附

風俗

總目

建置志卷之二

城池

公署

里社

鎮堡

市廛

橋隄

坊表

郵遞

營伍

機關

食貨志卷之三

戶口

田賦

倉儲

權稅

鹽法

物產

學校志卷之四

學宮

祭儀

學額

書院社學附 學校

典禮志卷之五

壇廟寺觀附

公式

郵政

官制

職官志卷之六

文職

武職

官績

選舉志卷之七

徵辟

制科貢生附

武科

仕籍

候選

封贈

捐職

學校畢業

人物志卷之八

鄉賢

卓行

忠勤

孝義

文學

僑寓

列女

總目

二

藝文志卷之九

傳記

表

詩

雜錄志卷之十

祲祥

紀變

異聞

仙釋

著述

塚墓